

Mvù Piêr dé jomò

¹ Né mè Simôn Piêr; mè né nùà seê Yeésò *Kristò, mè né mbòn tebê seèn ndò. Mè né bí nyagá njií. Bí kóó ye, béh bí doón yòòr Kristò kwaá njií gi né temé cên. Dé bìi né faá dé beèh nò yieé, njua mé Càn beèh Yeésò Kristò Yilì-nùàr né Càn dilí.

² Càn bô Fehtoò beèh Yeésò a, kúlú bí. Dólê bòn a, yám siè bí beè. Lòu sam, bí né bó kóó.

Yòòr Càn mege ndeé

³ Càn mé terrebe seèn lé béh haá gi naâ bò njií mé nde né béh gam, te béh kwa yòn, béh den mege nde yòòr seèn. À lé bóó naâ kóó, te béh nde ye Kristò kóó. Né nuaá mé lé naâ béh te dene koò seèn yilá yií, ye te nyí feh keéh béh húóm-temé nyí.

⁴ À lé naâ béh ndéb tieè kwaá kwaá, ye nyí bóó nde né bò njèh dudueèr mé né gi njèh doón huóm yógó, ye te bí mvelé yuo beè *wôn, bí temé te bò njèh nùàr jógó kwá cú, te bí lè den seér mé kèkènè dé nyí ma.

⁵ Mò né ménâ, sâ bí lègè ñeí cú lòu. Mè né kóó ye, bí baá gi mé temé cén yòòr Yeésò Kristò; kènê bí gò dilí ñeí cú lòu ndò. Bí felèbò kó ñeí cú Càn dé kóó.

⁶ Mò bí kó gi aá, bí né yo teèn sie yií. Mò dé sâ gi aá, bí felèbò kwá yí sèn, bí né yòòr Càn mege ndeé.

⁷ Mɔ bí mege nde gi aá yoòr Càn kèn, bí lètenè bìi dèn lòm dene bò òm bô bei. Mɔ bí den kɔ gi aá ménâ, bí felèbò doón sagá yí baá-re gwaân.

⁸ Mɔ yoòr bìi yam den né bò sâ bò, sâ nde né bí terreb haá, te bí kɔ nyegé Fehtoò beèh Yeésò Kristò, bí den làn, te tàb yuo teèn.

⁹ Mɔ nuaré déi mé bò njií hên yoòr sam, sâ tácugó bilí né bú, à nyen aá ye, Càn lé naâ nyí veên dé léi toò yoòr kulú sòm.

¹⁰ Mɔ né mân, sâ belà, bí beè Càn dèn jí mé gùm mene. Ngweéh à lé bí yilá naâ dé cí mà. À lé naâ bí balé weh; bí mègè njií cú yoòr seèn lòu. Mɔ bí né yoòr seèn tég mege ndeé, sâ bɔó mene naàn, bí diè ndé ngwéh.

¹¹ Càn nde lom né bí ké mbàm yoòr Yeésò Kristò gulu keéh. Fehtoò beèh mé Yìlì-nuàr né bú. Ké doó sâ baá bèh denè seèn dé nyèmà mé nyèmà.

¹² Mè kɔ né ye bí né gi bò njií hên kɔó nyegé, wa bí doón njebá den né te gècèn mé bí lé naâ ngweé doó ndó. Mé njéh mene, mè ye kɔ mè jíjí den bí beè beè.

¹³ Mè ye, cu mé mè née mé njolo hên, kɔ mè bí jíjí den beè beè, te bí den den làn. Beè mò huòm kela né cí.

¹⁴ Lòu sam, ser toò hên mè nde aá mé yo dé wàn géé; Fehtoò beèh Yeésò Kristò lé naá gì mè njolò néné feh.

¹⁵ Mè mé terreb mene doón lege lom aá cí, te bí sie den be mé njéh jomo.

**Sùsùm mé terreb *Kristò*

16 Cu mé béh lé ye bí a, Fehtoò beèh Yeésò Kristò nde né mé terreb mene *sumú cuû, béh lé mé feh faá dèbbè bò nùàr nɔ túé ná ηgwêh, béh lé sùsùm seèn ηenè naâ mé njolo.

17 Cu mé à lé naâ sùsùm mé terreb beè Tele seèn Càη kwa, béh lé naá giì doó. Béh yeé ηgweé, hueh déi ké sònò Càη Dueè Nùà terrèb lé naâ ηgulí, ye:

Hèn né huaán yíé-temé nyî,
temé nyî né lè mé bú nɔré.»

18 Lòu sâ béh bó lé naâ ké felè tòr joloò, béh lé naâ hueh sâ mé tie ηgweé.

19 Yeé bilí cu aá mé ηgòr bò *sòn-Càη bò mene, béh kɔ nyegé lom baá-re ye né môn. Mɔ bí ye te huom, bí féla njí tie teèn. Lòu sam, ηgòr bò sòn-Càη bò né te cibi faá lâm nɔ baá den, tóg kɔ cieé ηaga baá kɔó. Cu sâ có ndeè né yuoò, à ba njeré sie bí temé beè.

20 Tétég bí jògò kó ye, ηgòr sòn-Càη mé né gi te mvù nyagá den, nuaré déi bú mé lèi seèn sè kòmò bèh.

21 Lòu sam, bóó mene naàn, ηgòr sòn-Càη beè nùàr yuò bèh. Cúcuí Naga lé bó ceér feéh naâ kɔó, ye te bó tueé keéh bò nùàr njií mé yuo yeé sònò Càη.

2

Bò nyeén bò (Júde 4-13)

1 Bóó mé ye bó né bò *sòn-Càη bò sé wa, lo naâ toò lètenè bò nùàr nabé yilá, bó goó su nyeén

teèn. Bò fèh-nyeén bò nde cu né lètenè bii ménâ ndo. Bó nde né bí bò ngòr nyenyenê feh, te mògò ñellé mé njéh. Nùà fèh-nyèh beèh Yeèsò Kristò mé lé naâ bó yili sòm, bó nde né bú ngóón, bó yila nde seér te gèr-e, bó nyoló le teèn mé be boòn.

² Nùàr ngún nde gi né bó te tándabé denè hèllè kem bele; te bò nùàr tueé beéh ceér gècên.

³ Bò nyeén bò hèllè sé yeé baá kàgàlòn beè bii gwaán, bó yila bò dèbbè mé feh munó fòón, bó né bí mé njéh njuaré. Kwá nòón, ju boòn né ter taáb kwaá ndo; nuaá mé nde né bó seé weh lóm cèr ngwéh, ye kò nyí nyoló sòm aá bó kèn.

⁴ Mé bò cìli Càn mene, Càn lé déi jomo kélá kéh ná ngwéh. Bòó mé lé naâ veên kuú doón, né gi kènê ké dòu bèh cibì tuar, bó né ju teèn kela den.

⁵ Mé nàm bò jògò bò mene, Càn déi jomo kélá kéh ngwéh: à lo naâ *wón mé nòmò kum sòm. Lé naâ felè bò jéré-temé bò. À yili sòm cegé Noê, nùà dilí, à yili sòm mé nùà téhbeh ndo.

⁶ Bò loó kokoò déi lé naâ teèn: yilí boòn lé naâ *Sódòm bô *Gòmôr: Càn lo bó tuar kum lòò naâ mé yìè veên boòn ndo. Ye te bò jéré-temé bò dé jomò ñene kwaá gi seé mé nyí nde né bó weh njolò.

⁷ À lo ké Sódòm yili sòm cegé naâ *Lôt, nùà dilí. Lòu sam, veên mé bò nùàr lo naâ bóó doón, temé lé naâ Lôt mé njéh lè yulá dé gècên.

⁸ Sâ cieé dé kàn mé cieé dé kân, mé bó lé naâ veên kuú soó, bó né lom Lôt temé lè mé veên

boòn hèllè boó yulá. Càn yeé ñene à né dé seèn nùà dilí ménâ, à yili sòm bú.

⁹ Beè Nùà Dueè né yeé môn, bòó mé né yoòr seèn mege ndeé doón, ceér mé à nde gi né bó teèn yili sòm, à né kóó, te bó diè cú. À né gi lèh bò jéré-temé bò kóó ndo: à bó sie kwaá né beè, te loù ju tenâ, bó yila lè gèr-e.

¹⁰ Mè tueé bí, gèr nde né ñueé. Bòó mé boó né njií mé ñgàn yoòr boòn gwaán nê, mé né bò dudueèr bò seb doón, gèr tétán ñueé kela nde né bó.

Bò fèh-nyeén bò mé mè la naâ tueé hèllè, mènàn ceré né beè boòn. Né mene bòó mé né mé terreb ké te vulúu teèn, bò nyeén bò hèllè né lom bó ñaár sie, bó tobé bó séb.

¹¹ Sâ bò cili Càn né gi bò fèh-nyeén bò sâ mé terreb yóó ndo. Mé ñjéh mene, bó bò nyeén bò toò Nùà Dueè jóóó ní bèh, bó bó sélé bèh ndo.

¹² Dé bò fèh-nyeén bò hèllè, bó ñjèh doón boó mbi go né mé feh boòn, bó né faá bò nyam ké ya dueè mé bó nde né lòu sie ñóób no; bó né mbaá selé mbi njií, bó ñgwé kòmò bèh. Cio boòn né cu gèh dé sâ ndo: bó nde né mbaá faá bò nyam ké ya dueè no kuú mbi njií.

¹³ Gèr mé bó né bò nùàr feh doò, Càn bó sòn sâ gwòm cu nde né mé núr gèr ndo. Bó vóóó-temé boòn kwa seér yeé mé veên, bó né mé ñjéh cie ñagá le. Mo bó né doó, bí bó né yáb yieé bilí, mè tueé bí, né ñjèh fegùli. Yo bó taré seér cu né mé nyeén boòn hèllè lòu.

¹⁴ Njolo boòn le lom né yoòr bò véh nùàr. Bó né mene te núlu jelág soó, bó hómó bèh. Nuaá

mé bó ñene, à te ceér Cànɛ táré nyégé ñgwéh dɔ́ɔ́ɔ́, bó bele weh bú, bó yíí njií te veên. Cu dɔ́ɔ́ɔ́, temé bɔ̀ɔ̀n né lom te kàgàlòɔ́. Yeé baá ménâ, Cànɛ ye, nyí bó duagá sɔm nde né mé gèr ndɔ.

¹⁵ Bó né ceér seèn kwaá lɔ́ gíí, bó sabé bele seér ceér dé hiín, bó né faá Balam ñunà Bosôr nɔ bɔ́: sâ Balam lɔ te veéne jíím yilà naâ mé yìè kàgàlòɔ́.

¹⁶ Cànɛ lɔ naâ bú nde: vuɔmndeè nde tueé bú sòn beè faá nùàr nɔ, ye te à geé mé ceér kùlù sâ.

¹⁷ Bò fèh-nyeén bò mé mè la naâ bí tueé hèllè né bò bèlè-nùàr bò. Bó den né faá nduùn mé nòmò teèn sam nɔ. Bó den cu né faá vúlú nuù nɔ mé fu né mé njéh kobó jɔgó ndeé, nu teèn sam. Cànɛ ye, kwá nɔ́ɔ́ɔ́, bó bò mgbátág cibì nde né beè nyí kwaré ndɔ.

¹⁸ Bó né bò cùr ñgòr yie punó gɔ; bó ke né njií mé né bò nùàr yoòr yilà, bó njebá yila teèn, te bó bele kwa bò nùàr. Bòó mé lé naâ te bòn bò macùr sâ mvelé yuo, sé yeé ñgweé cu ménâ, bó die yila cu teèn.

¹⁹ Bó né bò nùàr tueé ye bó a: mɔ bí den beè beèh, bí né mé feh bìi ma. Á sâ, bó bò njèh bò hèllè toò né taré kwer veên ndɔ. Lòù sam, nùà kàn né kwer beè njií mé né felè seèn cer.

²⁰ Mɔ nuaré déi naá gíí mé feh seèn ñené kɔ́, ye Yeésò *Kristò Fehtoò beèh né Yìlì nùàr, mɔ à naâ te veéne mvelé yuo, à yila ndeé ká beè Yeésò, jomo sâ mɔ à den cuù, à nde cu te veên teré yilà,

sâ veên seên bú dé jomò hèllè nde né dé toò ñaá yogó, te weh bú seé.

²¹ Gèh dé mé nùàr nde gi né ceér dilí kwa, te à yuo kwaá lo cu ndéèb Càṅ sâ, huom kela né mé à sé lo ñéné kó ná ṅgwêh ye né ceér dé dilí.

²² Sâ dɔ́ṅ tueé né ye, kàn dèi tueé né gècên. Kàn sâ né tueé ye: Tíéèb mé boór naâ sònò tieé som, à baá cu nagá. Ṅguiáṅ mé bó naâ kènê kou som, baá cu tuob teré ndo ma.»

3

*Cuú Yeésò *Kristò*

¹ Bò mbeí mò, mè bí hên nyagá baá mvù mò dé jomò. Te bò mvù mò fà dɔ́ṅ, mè ferré den né bò njií mé bí lé naá giì ṅgweé. Mè ye te bí den beh làn, bí né bó munó nyegé.

² Mè ye te ṅgòr mé bò *sòn-Càṅ bò lo naá giì léi toò tueé dɔ́ṅ, lè biì gí cú; te bò ndéèb mé Fehtoò beèh Yìlì nùàr lé tueé keéh naâ bí sònò bò mbònṅ tebê, lè biì gí cú ndo.

³ Bí jògò kó nées bú hên ye: bí kóo ye, mo wónṅ nde aá gií, bò nuaré dèi ndeè né lètenè biì yuo kelâ, dé kàn nde né njií mé ñaá né lè seên boó; bó nde né bí selé,

⁴ bó ye bí a: Ṅgweéh Kristò ye nyí baá cuú mà! Á, heèh wee? Ṅgweéh bèh lo mé bò tele beèh lo kuú giì, ṅhèh dɔ́ṅ nées den ka faá wónṅ lo duóóm naâ mà.»

⁵ Sâ bò hèllè bò berónṅ lom né mé be boònṅ gwaán ṅagá ye: lo baá dàb wa, Càṅ lo vulú mé

tàbè sií naâ mé ηgòr, à lo tàbè sií naâ mé nòmò ndo, wa jomo sâ à lo naâ tàbè bô nòmò hihiné geé kwaá ma. Bó dé sâ múnò ηgwéh.

⁶ Sâ mé nòmò cên sâ Càη lo wónj dé cuúm kum soóm naâ mé njéh. Nòmò dueè yeé baá naη, wónj dé léi toò hèllè dùà mbíb.

⁷ Vulú bô tàbè dé jomò hên ter njobá den cu né mé ηgòr cên sâ, te we ndeè ηgie som bó lòù. Càη ye, kwá bó den; lòù mé nyí nde né ju bò jéré-temé bò tená, nyí nde né bó tuar ηgie njií, nyí nyoló som bò jéré-temé bò ndo.

⁸ Bò mbeí mò, bí kóo ye, beè Nùà Dueè, cieé cén né faá nyèmà kám no, nyèmà kám né faá cieé cén ndo.

⁹ Mo Nùà Dueè ye nyí nde né njií sâ boó, sâ à bú boó nde né ka nág ménâ. Bò déi né munó ye, à wágá wá ndé ηgwêh. Mè tueé bí, à ηgágá ndé ηgwéh, à bí yolo den né lòù. À gwàn bèh dé nuaré déi leér le, né mene neì. À gwaán seér né mé nùà kàn né feh seèn yueé foón, te à yili som bú.

¹⁰ Mé cieé Nùà Dueè, Nùà Dueè kar waà nde né faá nùà yíb no. Lòù sâ, bèmè nde né to taré, vulú nde né nyueé leér, we nde né ké te vulúu die, njèh doónj ηgie yuo, tàbè mé bò njèh teèn doónj nde gi né ηgie yuo ndo.

¹¹ Bò nùàr mò, mo Càη njèh doónj calé som nde né faá bèh mân, sâ dene biì den nde né gèh dé heè wa? Bí kè nyégé bagasé, te bí den lom

nyennésé, te ñéné yuo kelà yoòr biì, ye bí né yoòr Càᅇ mege ndeé ma.

¹² Bí njolo kè mé cieé Fehtoò beèh, bí né seé bɔ́ó, te à cuù ye. Loù sâ, vulú nde né tuar yilá ndeé, bò ñjèh teèn doón laga nde gi tuar.

¹³ Né faá Càᅇ lo tueé kwaá naâ nɔ, ye te vulú dé feé mé tàbè dé feé yuo kela nyegê kɔ́ó, bò ñjèh didilí cer teèn. Béh hên kela den né cí!

¹⁴ Sâ bò nùàr mò, cu mé bí né cieé sâ teèn kela hên, bí lègè lòm faá bí lege aá nɔ, te bí ndeè yuo gi njolò Càᅇ kóbè sâ mé veên yoòr sam, còᅇ die lètenè biì, bí bò Càᅇ.

¹⁵ Bí kɔ́ó ye, sèᅇ mé Fehtoò beèh Yeésò *Kristò né kwaá doò gam né kɔ́ó, te bí ndeè nde ye yili yuo. Pôl nùà yíé-temé beèh lé naá giì bí ménâ te bò mvù seène nyagá njií ndɔ. Càᅇ lé bú kógòn sâ haá naâ kɔ́ó.

¹⁶ Cu mé à né felè ᅇgòr hên nyagá doón à tueé gi né faá bèh mân. Te bò mvù seèn mé à nyagá gi né kɔ́ó, bò beré déi né lom taré dé gècên. Bò cùr mé temé kuú sé yeé ᅇgwé kòmò cú, bó lugó keéh njií kwòm bèh hiîn, bó ferré yíí seér nyeén, faá bó bɔ́ó yeé mé bò beré déi te mvù Càᅇ nɔ. Kwá-re nɔón ndɔ, bó mé ñjèh tulu su né ju yoòr!

¹⁷ Dé biì bò mbeí mò, bí baá gi mé ñjèh tieè, bí dèn á dene kôr, te veên bò jéré-temé bò bí jìn cú, te bó bí te bèh denè biì kòrò sòm cú ndɔ.

¹⁸ Sâ bí bó lòm tég, te húóm-temé Fehtoò beèh Yeésò Kristò yam sie bí beè, bí kɔ ᅇí cu bú dé kɔ́ô. Yilì nùàr né lom bú. Kùsèm, *sùsùm seèn

a, ká ndé wónḡ dónḡ, yuoô lan, nde tóg dé nyèmà
mé nyèmà. È môn!

Mvù Ngòŋ Feê
Mambilla NT (Cameroon-Le Nouveau Testament en
mambila)

copyright © 2001 Wycliffe Bible Translators, Inc.

Language: Cameroon Mambila

Contributor: Wycliffe Bible Translators, Inc.

All rights reserved.

2025-05-13

PDF generated using Haiola and XeLaTeX on 13 May 2025 from source
files dated 13 May 2025
f0e8e7ba-c2cf-57f7-9a60-8ff0e792e158